

**Pauli Laymanni e Societate Iesu Jus Canonicum
Commentario Perpetuo Explicatum**

Et Uberi Non Minus Ac Varia Qvam Clara Et Solida Doctrina Illustratum

Commentarius In Librum III. Decretalium

Laymann, Paul

Dilingae, 1698

Capitulum XL. Quodam.

[urn:nbn:de:hbz:466:1-62482](#)

Notandum secundò. Per consuetudinem introduci potest, ut aliquis in eadem Ecclesia Präposituram, aliamve dignitatem, seu Personatum obtineat unà cum canonicatu. Ita Gl. hie in notan. Franc. n. 2.

CAPITULUM XL.

Quodam.

PARAPHRASIS.

Cælestinus V. Papa Titio contulit canonum datis executoribus, qui vacantem, vel proximè vacaturam præbendam eidem providerent; postea Cajo similem gratiam concessit, additâ etiam clausulâ, seu decreto irritante, videlicet, ut is alijs, etiam priorem gratiam à Sede Apostolica consecutis, anteferretur. Accidit autem, ut executores ignorantes posteriore gratiam factam esse Cajo, præbendam vacantem Titio conferrent. Deinde Successor Bonifacius VIII. omnes gratias duorum antecessorum, quibus jus in re acquisitum non fuit, revocavit. Hoc in casu dubitatur, cuinam debetur ea præbenda, Titione, an Cajo. Respondeat hic Bonifacius, quod neutri: non enim priori, sive Titio, quia collatio ipsi, quamvis ignorantia & ab ignorantibus facta fuerit, post & contra decretum Cælestini, quo voluit Cajum prioribus anteferri, adeoque prioribus gratijs derogati. Neque Cajo, quia ipsi collatio præbenda facta non fuit, ideoque nec jus in re quæstum, ante decretum Bonifacij revocatorum gratiarum, quæ à duobus antecessoribus data sunt.

SUMMARIUM.

1. *Vim suam obtinet, etiam erga ignorantes, decretum Papæ revocatorium.*
2. *Neque convalescit prima gratia, si data cum decreto irritante posterior postmodum revocetur, nisi obreptitia sit hac posterior gratia.*

Notandum primò. Decretum Papæ revocatorum gratiarum, aut iritans facultates, à se, vel antecessoribus suis concessas, vim suam obtinet, etiam erga ignorantes. Ita Joan. And. hic in Gl. v. ignorantes. Lapus & Anchoran. not. 3. Et habet id maximè locum in rebus beneficialibus, in quibus Papa plenam potestatem noscitur habere, prout docui lib. I. tral. 4. c. 2. in fine.

Notandum secundò. Si gratia alicui fera sit cum decreto revocatorio, aut irritante gratia prius collata alteri; postea vero gratia posterius data revocetur, non idem convalescit gratia prior, qua per decretum semel confirmata fuerat, quia, quod semel extinctum est, reviviscere non potest absque novo effidente, seu concedente. In Anchoran. hic not. 5. qui bene postea legit, nisi posterior gratia ostendit post obreptitiam, alióve laborans defectu, quemadmodum, nec testamentum solemne revocatur per posterius minus solemne, quia non praestat impedimentum, quod de jure non fortitur effectum reg. 52. in 6.

CAPITULUM XL.
Mandatum.

PARAPHRASIS.

Si Pontifex mandat alicui, ut beneficium proximè vacaturum, cuius collatio ad Capitulum Narbonensis Ecclesiz pertinet, Titio Clerico conferret, in hoc mandato comprehenduntur tam beneficia, quæ ex statuto aut consuetudine Capitulo in communis confiri solet, quam ea, quæ à singulis Canonis vice, & auctoritate Capituli conferuntur. Verum ad beneficia, quorum collatio specialiter annexa est dignitati, personali, aut officio, tale mandatum non extendit; idemque sentiendum, si collatio ad Canonicos ratione præbendarum fuarum specialiter spectet, præterquam si in mandato expressum sit, ut Titio beneficium conferatur, cuius collatio ad

Ca-